



AUSTRHEIM KONTROLLUTVAL

MØTEUTSKRIFT SAK 13/23 AUSTRHEIM KONTROLLUTVAL ÅRSREKNESKAP OG ÅRSRAPPORT

Møtedato: 02.juni 2023 kl. 08.30 – 12.55

Til Austrheim kommunestyre ved ordførar

Kontrollutvalet har i møte 02.06.2023 handsama sak 13/23 med følgande vedtak:

1. Kontrollutvalet vedtek uttale om kommunen sitt årsrekneskap og kommunen si årsmelding for 2022 med dei endringane som kom fram i møtet.
2. Kontrollutvalet sin uttale vert sendt til kommunestyret med kopi til formannskapet.
3. Kontrollutvalet vil følgje opp «Rapport om årsrekneskapen 2022, nr 20» gjennom sitt sjå-til-ansvar jamfør § 23-2 a) og b) i kommunelova i eiga sak i seinare møte.

I samsvar med forskrift om kontrollutvalg og revisjon § 3, vert møteutskrift med uttalen om årsrekneskapen og årsmeldinga frå kontrollutvalet oversendt til kommunestyret i Austrheim kommune, med kopi til formannskapet. Uttalen ligg som vedlegg

Under føl protokoll og saksframlegg.

13/23 ÅRSREKNESKAP OG ÅRSMELDING 2022

SEKRETARIATET SITT FRAMLEGG TIL VEDTAK:

1. Kontrollutvalet vedtek vedlagte forslag til uttale om kommunen sitt årsrekneskap og kommunen si årsmelding for 2022.
2. Kontrollutvalet sin uttale vert sendt til kommunestyret med kopi til formannskapet.
3. Kontrollutvalet vil følgje opp «Rapport om årsrekneskapen 2022, nr 20» gjennom sitt sjå-til-ansvar jamfør § 23-2 a) og b) i kommunelova i eiga sak i seinare møte.

BEHANDLING I MØTET

Saka vart handsama etter sak 16/23

Kommunedirektøren, gav ei kort overordna orientering om årsmeldinga. Han var ikkje med i sak 13/23, men gav orienteringa om årsrapporten i sak 14/23.

Økonomisjef, Odd Harald Dommersnes, gav eit orientering om rekneskapen 2022, om økonomiske forhold og finanzielle måltal.

Dispositionsfond, kommunens økonomiske buffer. I Austrheim har ein dispositionsfond på konto, på bakgrunn av den økonomiske situasjonen som har vore i kommunen.



Arbeider aktivt med refinansiering av lån. Kommunen har auka lånebelastninga frå starten av 2022 til slutten av 2022. Lånesummen er meir samla enn tidlegare for å få best mogeleg rente.

Samla skatteinntekter er høgare i 2022, som gjev nedgang i rammetilskot.

Største kostnader i kommunen er lønn og pensjon. Uroa over høge kostnader i kommunen. Må få ned driftskostnader. Kan ikkje fortsetje med slike utgifter, inntektene føl ikkje med. Administrasjonskostnader ligg høgare enn for mange kommunar.

Revisjonssjef, Janne Eraker, orienterte om revisjonen, og gjekk gjennom innhaldet i revisjonsmeldinga og rapporten om rekneskapen.

Positiv progresjon i utviklinga av avlevering av rekneskapen. Avvika er ikkje forklarte på ein god nok måte. Dei er forklarte i kroner og prosent, men grunnen for avvika kjem ikkje tydeleg nok fram i årsrapporten.

Kontrollutvalet drøfta framlegg til uttale til årsrekneskapen og årsmeldinga, og stilte seg bak innhaldet i denne, men ynskte å legga til følgande punkt:

Kontrollutvalet vil likevel gjere kommunestyret merksam på at til trass for aukte inntekter er kostnadsnivået for høgt i forhald til budsjett og dette er ikkje ei berekraftig utvikling for kommunen.

Kontrollutvalet kom med eit felles framlegg til nytt vedtak:

1. Kontrollutvalet vedtek uttale om kommunen sitt årsrekneskap og kommunen si årsmelding for 2022 med dei endringane som kom fram i møtet.
2. Kontrollutvalet sin uttale vert sendt til kommunestyret med kopi til formannskapet.
3. Kontrollutvalet vil følgje opp «Rapport om årsrekneskapen 2022, nr 20» gjennom sitt sjå-til-ansvar jamfør § 23-2 a) og b) i kommunelova i eiga sak i seinare møte.

SAMRØYSTES VEDTAK

1. Kontrollutvalet vedtek uttale om kommunen sitt årsrekneskap og kommunen si årsmelding for 2022 med dei endringane som kom fram i møtet.
2. Kontrollutvalet sin uttale vert sendt til kommunestyret med kopi til formannskapet.
3. Kontrollutvalet vil følgje opp «Rapport om årsrekneskapen 2022, nr. 20» gjennom sitt sjå-til-ansvar jamfør § 23-2 a) og b) i kommunelova i eiga sak i seinare møte.

SAKSOPPLYSINGAR

Samandrag

Etter forskrift om kontrollutval og revisjon, skal kontrollutvalet uttale seg til kommunestyret om årsrekneskapen og årsmeldinga før formannskapet innstiller til vedtak.

Dokumenta som ligg til grunn for uttalen er Årsrekneskapen 2022, Årsrapport 2022 og revisjonsmeldinga frå Vestlandsrevisjon IKS. Desse ligg ved saka.



Årsrekneskapen og årsrapporten er også tilgjengeleg digitalt: [Årsrapport 2022 \(apppublishframsikt-staging.azurewebsites.net\)](https://www.apppublishframsikt-staging.azurewebsites.net)

Det ligg også ved ein rapport frå revisor om årsrekneskapen. Denne er utarbeidd for å gje kontrollutvalet meir informasjon enn den som inngår i revisjonsmeldinga. Revisjonsmeldinga er det formelle dokumentet som dekker revisor si rapportering i høve lovverket.

Administrasjonen vil leggje fram årsrekneskapen og årsmeldinga for 2022, og revisor vil leggje fram revisjonsmeldinga og tilhøyrande rapport om årsrekneskapen i møtet.

Bakgrunn og lovverk

Det er kommunestyret sitt ansvar å forvalte kommunen sin økonomi, medrekna å vedta årsrekneskap og årsmelding, jfr. kommunelova § 14-2. Årsrekneskapen sin funksjon er å gjere greie for inntekter og bruken av midlane som kommunen har til disposisjon, og må sjåast i samanheng med kommunen si årsmelding.

Årsrekneskapen skal innehalda driftsrekneskap, investeringsrekneskap, balanserekneskap, økonomiske oversikter og noteopplysningar.

Detaljeringsgrada og presentasjonsforma for årsrekneskapen og årsmeldinga er i stor grad opp til kommunen sjølv å avgjera, men årsrekneskapen skal vise rekneskapstal på same detaljnivå som i årsbudsjettet. Kommunelova § 14-6 viser korleis kommunar skal utarbeida årsrekneskap, og § 14-7 omtalar kva som er lovpålagt å ha med i årsmeldinga.

Kommunelova §§14-6 og 14-7 seier også at årsrekneskapen og årsmeldinga skal leverast innan høvesvis 22.02. og 31.03. Fristen for revisjonsmelding er sett til 15.04, og kommunestyret må handsama årsrekneskap og årsmelding innan 30.06.

Det er revisor sitt ansvar å vurdere om årsrekneskapen og årsmeldinga inneheld dei opplysningane som lov og forskrift krev, og å uttale seg om dette i revisjonsmeldinga, jamfør kommunelova §§ 24-5 og 24-8.

Sekretariatet si vurdering

Det er opp til kontrollutvalet sjølv å avgjera kva uttalen til årsrekneskapen og årsmeldinga skal innehalda. Det er ikkje konkrete krav i lov eller forskrift, men det står at uttalen skal knytte seg til forhold i årsrekneskapen, årsmeldinga og i den tilhøyrande revisjonsuttalen.

Både NKRF og FKT har utarbeidd rettleiarar til kontrollutvalet sin uttale til årsrekneskapen og årsmeldinga. Desse kan lesast her:

[Veiledning - Kontrollutvalgets uttalelse til aarsregnskapet og aarsberetningen 210312.pdf \(nkrf.no\)](https://nkrf.no/Veiledning - Kontrollutvalgets uttalelse til aarsregnskapet og aarsberetningen 210312.pdf)

[Veileder og mal for kontrollutvalgets uttalelse til aarsregnskap og aarsberetning - na pa begge malfomr - Forum for kontroll og tilsyn \(fkt.no\)](https://fkt.no/Veileder og mal for kontrollutvalgets uttalelse til aarsregnskap og aarsberetning - na pa begge malfomr - Forum for kontroll og tilsyn (fkt.no))



Sekretariatet har valt å først og fremst sjå til NKRF sin rettleiar, men har også sett til framlegg til mal for uttale frå FKT sin rettleiar.

Revisor sin rapport om årsrekneskapen er utarbeidd til kontrollutvalet, for at utvalet skal kunne sjå til at kommunen sin rekneskap vert revidert på ein forsvarleg måte, jamfør kommunelova § 23-2 a, samt å gje kontrollutvalet ytterlegare innblikk i om den økonomiske forvaltninga føregår på ein trygg måte (kommunelova § 23-2 b). Dette er ein del av kontrollutvalet sitt såkalla «sjå-til-ansvar». I NKRF sin rettleiar vert det vist til at denne rapporten ikkje bør vera ein del av kontrollutvalet sin uttale. Revisjonsmeldinga skal omfatta det som vert rekna som «vesentlege forhold,» som er det kommunestyret bør ta omsyn til i si handsaming av årsrekneskapen og årsmeldinga. Det betyr at kontrollutvalet ikkje bør sende revisor sin rapport om årsrekneskapen vidare til kommunestyret som ein del av sin uttale om årsrekneskapen.

Kontrollutvalet sitt «sjå-til-ansvar» er elles er ei oppgåve kontrollutvalet føl opp løpende gjennom året, og rapporterer til kommunestyret om i si eiga årsmelding. Tema som ligg til sjå-til-ansvaret har ikkje ein naturleg plass i kontrollutvalet sin uttale til årsrekneskapen og årsmeldinga.

Kontrollutvalet sin uttale bør med bakgrunn i det ovannemnde vere kortfatta og kun vise til årsrekneskapen, årsmeldinga og tilhøyrande revisjonsmelding, slik det står i lova.

Kontrollutvalet kan også uttala seg om tidsfristane i lova er haldne.

Sekretariatet viser til at alle fristar kring levering av rekneskapen er haldne og at revisor har gitt ei rein melding (normalberetning). Årsmeldinga og rekneskapen gjev informasjon om kommunen sin økonomiske status. Dei ikkje-økonomiske krava i kommunelova § 14-7 c- f er omtalt i årsmeldinga.

Sekretariatet sin konklusjon

Sekretariatet anbefaler kontrollutvalet å gje ein uttale i samsvar med vedlagte forslag. Kontrollutvalet har likevel høve til å knyte ytterlegare kommentarar til årsrekneskap og årsmelding.

Den vedtekne uttalen vert vidaresendt til kommunestyret med kopi til formannskapet.